



Broj: 08-40-15-1/26
Sarajevo, 05.01.2026. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Štab civilne zaštite Kantona Sarajevo, na sjednici održanoj 05.01.2025. godine, donosi

PREPORUKE

1. Štab civilne zaštite Kantona Sarajevo na osnovu izvještaja dostavljenog od Kantonalnog operativnog centra civilne zaštite, konstatuje da su Kantonalna uprava civilne zaštite Kantona Sarajevo i općinske službe civilne zaštite s područja Kantona Sarajevo, odmah po prijemu Upozorenja o obilnim padavinama od Federalnog hidrometeorološkog zavoda i Upozorenja i preporuka za provođenja mjera zaštite i spašavanja uslijed najavljenih ekstremnih velikih padavina Federalne uprave civilne zaštite, stavili svoje organizovane snage zaštite i spašavanja u pripravnost, te da se u toku jučerašnjeg dana pratili stanje na području svih općina u Kantonu Sarajevo i u saradnji sa nadležnim komunalnim javnim preduzećima i službama poduzimali mjere i aktivnosti iz svoje nadležnosti, tako da je obezbjeđeno funkcionisanje vitalnih funkcija društva na području Kantona Sarajevo.
2. S obzirom da se prema prognozama Federalnog hidrometeorološkog zavoda i u narednom periodu na području Kantona Sarajevo očekuju obilne snježne padavine, koje mogu prouzrokovati probleme u funkcionisanju vitalnih funkcija društva, te da naglo topljenje snijega može prouzrokovati bujične poplave i klizišta, preporučujemo općinskim službama civilne zaštite s područja Kantona Sarajevo, da kontinuirano vrše obilazak najugroženijih područja od snježnih padavina, poplava i klizišta, te da odmah stave svoje organizovane snage zaštite i spašavanja u stanje pripravnosti, kako bi iste bile spremne kao snage prvog odgovora, da u skladu sa svojim nadležnostima i obavezama po planovima zaštite i spašavanja reaguju na potencijalno moguće obilne snježne padavine, te pojavu poplava i klizišta na području svojih općina.
3. Preporučujemo Općinskoj službi civilne zaštite Stari Grad Sarajevo, da u skladu sa naredbama Štaba civilne zaštite Kantona Sarajevo kontinuirano prati stanje na klizištu Curine Njive, te da odmah poduzme mjere na uklanjanju nepropisano parkiranih vozila na saobraćajnicama ka lokalitetu Curine Njive, kako bi se stekli uslovi za čišćenje snijega sa tih saobraćajnica i da o istom odmah izvijete Štab civilne zaštite Kantona Sarajevo i Kantonalnu upravu civilne zaštite Kantona Sarajevo.

4. Preporučujemo Kantonalnoj upravi civilne zaštite Kantona Sarajevo, da kontinuirano prati stanje na području Kantona Sarajevo i da o istom izvještava Štab civilne zaštite Kantona Sarajevo.
5. Preporučujemo nadležnim kantonalnim organima uprave i općinskim službama za upravu da u punom kapacitetu angažuju pravna lica (s kojima imaju potpisane sporazume/ugovore o zimskom održavanju puteva) na kontinuiranom čišćenju snijega sa saobraćajnica.
6. Preporučujemo svim pravnim licima da na vrijeme preduzmu preventivne mjere zaštite i spašavanja od snježnih padavina, poplava i klizišta, te da u skladu sa važećim propisima preduzmu mjere na uklanjanje snijega ispred ulaza u stambene, zdravstvene, obrazovne, kulturne, javne, poslovne industrijske, sportske i druge objekte od šireg značaja i da preduzmu mjere na uklanjanju ledenica s krovova navedenih objekata i snijega ako njegova težina predstavlja opasnost po krovove objekata.
7. Preporučujemo građanima da u skladu sa važećim propisima u okviru provođenja lične i uzajamne zaštite građana, na vrijeme preduzmu mjere na čišćenju snijega ispred svojih objekata, te uklanjanju ledenica i snijega sa krovova.
8. Preporučujemo građanima da se ne kreću u blizini visokih stabala i objekata zbog opasnosti od urušavanja stabala, padanja ledenica i snijega s krovova objekata.
9. Preporučujemo nadležnim inspekcijskim organima da pojačaju aktivnosti na terenu i da u skladu sa svojim ovlaštenjima preduzmu mjere prema svim pravnim i fizičkim licima, koja neizvršavanjem svojih zakonskih obaveza dodatno povećavaju opasnost po ljude i materijalna dobra.
10. Zadužuje se Press služba Kantona Sarajevo da ove preporuke odmah objavi na službenoj web stranici Vlade Kantona Sarajevo i da ih dostavi printanim i elektronskim medijima.


KOMANDANT

Dostavljeno:

- Općinskim službama civilne zaštite
- Kantonalna uprava civilne zaštite Kantona Sarajevo
- Prvim i fizičkim licima putem, Press službe Kantona Sarajevo i medija
- Inspekcijskim organima, putem Press službe Kantona Sarajevo i medija
- a/a